

Osnovni sadržaj djelatnosti udruženja je:

- Promicanje športa i športskih aktivnosti na području općine Usora,
- Ostvarivanje rezultata u oblasti športa uopće,
- Razvoj svih vrsta športskih aktivnosti u sredini gdje je lociran Centar i šire na području općine,
- Popularizacije športske i fizičke kulture u cjelini među djecom i omladinom,
- Izgrađivanje ličnosti športaša,
- Osposobljavanje stručnih kadrova za rad s športašima,
- Rad sa mladim selekcijama,
- Predstavljanje i afirmacija društvenih, privrednih, kulturnih, športskih i drugih vrijednosti sredine u kojoj Športski centar radi i djeluje,
- Organiziranje športskih susreta,
- Održavanje Športskog centra i provođenje aktivnosti na osuvremenjavanju športskog centra.

Udruženje će djelovati na području Zeničko-dobojskog kantona.

Udruženje zastupa i predstavlja:

- **Bratić Marko**, predsjednik, Usora, Omanjska bb,
- **Bratić Zdravko**, dopredsjednik, Usora, Omanjska bb,
- **Augustinović Bariša**, dopredsjednik, Usora, Omanjska bb,
- Bratić Anto, dopredsjednik, Usora, Omanjska bb.

Danom upisa u registar udruženje stiče svojstvo pravnog lica.

.....

**MINISTARSTVO ZA RAD,  
SOCIJALNU POLITIKU I  
IZBJEGLICE**

127.

Na osnovu člana 74. stav (5) Zakona o socijalnoj zaštiti, zaštititi civilnih žrtava rata i zaštititi porodice sa djecom („Službene novine Zeničko-dobojskog kantona, broj: 13/07) ministar Ministarstva za rad, socijalnu politiku i izbjeglice Zeničko-dobojskog kantona, donosi

**P R A V I L N I K  
O OPĆIM, TEHNIČKIM I STRUČNIM  
UVJETIMA ZA OSNIVANJE I RAD USTANOVA  
SOCIJALNE ZAŠTITE**

**I -OPĆE ODREDBE**

**Član 1.**

Ovim pravilnikom propisuju se opći i tehnički uvjeti, kao i uvjeti za stručne i druge zaposlenike koji moraju biti ispunjeni za osnivanje i rad ustanova u oblasti socijalne zaštite (u daljem tekstu: ustanove socijalne zaštite).

**1. Zajednički uvjeti za građevinske objekte**

**Član 2.**

Lokacija građevinskog objekta ustanove socijalne zaštite mora biti na urbanom području i mora biti takva da omogućava priključak na električnu i telefonsku mrežu, vodovod i kanalizaciju, da ima saobraćajne veze sa naseljem, te da joj se može obezbijediti pristup prevoznim sredstvima.

Ako ne postoji mogućnost priključka iz prethodnog stava, mora se obezbijediti priključak na sopstvena postrojenja, uređaje i mrežu.

**Član 3.**

Građevinski objekti ustanova socijalne zaštite, koji u okviru svoje djelatnosti pružaju usluge smještaja, u pravilu trebaju da su odvojeni od drugih objekata, a oko njega treba obezbijediti dovoljnu površinu slobodnog zemljišta za prilaz objektu, dvorište, park, vrt, igralište, parkiralište i slično, što je ovisno o vrsti ustanove socijalne zaštite i lokacije na kojoj se gradi.

**2. Zajednički uvjeti za prostorije**

**Član 4.**

Građevinski objekat ustanove socijalne zaštite mora imati određen broj funkcionalno raspoređenih prostorija za obavljanje djelatnosti za koju se ustanova socijalne zaštite osniva.

Ustanova socijalne zaštite, koja korisnicima obezbjeđuje cjelodnevno zbrinjavanje, mora imati sljedeće prostorije:

- ulaz bez arhitektonskih barijera,
- spavaonice,
- prostorije za čajnu kuhinju,
- prostor za odlaganje odjeće i obuće korisnika,
- prostorije za dnevni boravak,
- kuhinjski blok sa priručnim skladištem i drugim pratećim prostorijama za pripremanje i kuhanje hrane,
- trpezariju,
- prostor za radne i terapijske aktivnosti, te aktivnosti slobodnog vremena,
- sanitarno-higijenski blok,
- magazinski prostor za opće namjene,
- praonicu rublja sa peglaonicom i sušarom,
- ložionicu sa skladištem (za ustanove socijalne zaštite koje nemaju mogućnost priključka na toplane),
- garažni prostor,
- radne prostorije za stručne i druge zaposlenike.

**Član 5.**

Sve prostorije iz stava 2. člana 4. moraju ispunjavati sljedeće uvjete, i to da su:

- svijetle i suhe,
- vrata u prostorijama u pravilu, bez pragova, veličine propisane prema namjeni prostora, a zastakljena vrata

- da imaju zaštitu,
- podovi izvedeni od materijala koji nisu klizavi i upijajući, a u spavaonici od toplog materijala, koji se lako održava, a nije upijajući,
  - prostorije gdje borave korisnici direktno prirodno osvijetljene i da imaju prirodno provjetranje, a pomoćne prostorije mogu imati vještačko osvijetljenje i provjetranje.

### Član 6.

Broj spavaonica ovisi od kapaciteta ustanove socijalne zaštite.

U svakoj stambeno-grupnoj cjelini potrebno je obezbijediti prostor za odlaganje odjeće i obuće.

Za prostorije za dnevni boravak korisnika mora se, u pravilu, koristiti više manjih prostorija, a mogu se koristiti i trpezarije.

Kuhinjski blok sa priručnim skladištem i drugim pratećim prostorijama za pripremanje i kuhanje hrane mora da odgovara uvjetima predviđenim važećim propisima iz te oblasti.

Trpezarija mora funkcionalno da bude povezana sa glavnom i pomoćnom kuhinjom.

Građevinski objekat ustanove socijalne zaštite zavisno od djelatnosti, mora imati prostorije za radne i terapijske aktivnosti, te aktivnosti slobodnog vremena.

U građevinskom objektu moraju postojati kupatila i WC, odvojeni za ženske i muške korisnike. Za zaposlene u ustanovi socijalne zaštite, moraju biti odvojeni sanitarno-higijenski blokovi.

Praonica rublja se sastoji od prostorija za prijem, pranje i sušenje rublja.

### Član 7.

Za zagrijavanje prostorija mogu se koristiti svi postojeći oblici zagrijavanja, ali se mora voditi računa, naročito u ustanovama socijalne zaštite u kojima su smještena maloljetna i invalidna lica, da sistem zagrijavanja bude tako postavljen i obezbijeđen da se do maksimuma postigne bezbjednost korisnika.

Temperatura u prostorijama mora iznositi najmanje:

- u komunikacijama 18°C
- u sobama 22°C
- u kupatilima 24°C

### 3. Zajednički uvjeti za opremu

#### Član 8.

Oprema prostorija mora biti takve izrade da odgovara namjeni pojedine prostorije i kategoriji korisnika, te tehničkim, higijenskim i estetskim zahtjevima i da se može lako održavati ispravnom i urednom.

Spavaonice moraju biti opremljene ležajevima, noćnim ormarićima, noćnim svjetiljkama, stolom i potrebnim brojem

stolica, ormarom za odjeću posebno za svakog korisnika, vitrinom, zavjesom i ukrasnim predmetima, prilagođenim potrebama korisnika.

Čajna kuhinja mora biti opremljena štednjakom, toplom i hladnom vodom, stolićem za pripremanje hrane, potrebnim posuđem i priborom za jelo.

U prostorijama za dnevni boravak mora biti potreban broj stolova, stolica sa naslonom, televizor i radio prijemnik, pribor za društvene igre, zavjese i ukrasni predmeti prilagođeni potrebama korisnika. Namještaj u prostorijama za dnevni boravak mora biti takav da je njegovim razmještajem moguće stvoriti više zasebnih cjelina.

Na stubištima, hodnicima i u sanitarno-higijenskom bloku, moraju se ugraditi rukohvati.

Ostale prostorije, zavisno od namjene i broja korisnika moraju imati odgovarajuću opremu.

### Član 9.

Ustanova socijalne zaštite mora za pružanje njege korisnicima, zavisno od vrste usluge, obezbijediti minimum opreme i pomagala za njegu korisnika, kao što su termofori, vrećice za led, posude za umivanje, posude za stavljanje obloga, servisna kolica, različita sredstva za dezinfekciju i slično.

Ustanova socijalne zaštite mora biti snabdjevena odgovarajućim pomagalima za invalidna i stara lica, ukoliko u okviru svoje djelatnosti pruža usluge i takvim licima (kolica, nosila i sl.).

### 4. Zajednički uvjeti za broj stručnih zaposlenika i kapacitet ustanova socijalne zaštite

#### Član 10.

Broj stručnih i drugih zaposlenika svaka ustanova socijalne zaštite utvrđuje svojim pravilima ustanove, imajući u vidu broj i kategoriju korisnika, a u skladu sa Uredbom o uslovima koje je preduzeće, odnosno drugo pravno lice dužno da ispunjava u pogledu broja zaposlenih radnika radi obavljanja registrovane djelatnosti („Službene novine Federacije BiH“, broj: 15/98).

### 5. Ostali uvjeti

#### Član 11.

Ustanove socijalne zaštite dužne su da obezbijede ostale uvjete za građevinski objekat, prostorije i opremu za slijepa lica i lica sa oštećenjem sluha.

**II – POSEBNE ODREDBE****1. Ustanove socijalne zaštite za punoljetna lica**

a) Ustanove socijalne zaštite za zaštitu starih lica

**Član 12.**

Smještajni kapacitet ustanove socijalne zaštite za zaštitu starih lica ne može biti veći od 250 korisnika, ne uzimajući u obzir depandanse. Prilaz zgradi mora omogućavati nesmetan dolazak vozila sa bolesnim ili nepokretnim korisnicima i njihov prelazak u kolica.

Stepenice u stepeništu ne smiju biti više od 0,14 m. Širina gazišta stepenica ne smije biti manja od 0,33 m, a nagazna površina stepenica mora biti zaštićena trakom protiv klizanja.

Za ulaz u objekat i u stepeništima moraju biti izgrađene rampe za nesmetano kretanje korisnika u invalidskim kolicima.

**Član 13.**

Vrata na prostorijama moraju biti široka najmanje 1m, da se omogući nesmetan pristup korisnicima u invalidskim kolicima.

Površina spavaonice sa jednim ležajem iznosi najmanje 8 m<sup>2</sup>, a površina spavaonice sa dva i više ležajeva najmanje 6 m<sup>2</sup> po korisniku.

Površina soba sa dva i više ležajeva na odjeljenju za pojačanu njegu korisnika mora iznositi najmanje 6 m<sup>2</sup>.

Spavaonice ne smiju biti prolazne prostorije.

**Član 14.**

Ustanove socijalne zaštite za zaštitu starih lica, u radnom odnosu, moraju imati socijalnog radnika za rukovođenje aktivnostima i provođenje stručnog tretmana, te potreban broj medicinskih sestara, i njegovateljica i drugih zaposlenika.

b) Centar za dnevni boravak

**Član 15.**

Centar za dnevni boravak mora biti na urbanom području grada ili naselja gradskog karaktera.

Centar za dnevni boravak mora imati kapacitet za pružanje usluga u okviru poludnevnog ili cjelodnevnog boravka najmanje 20 mjesta.

Izuzetno, kapacitet centra za dnevni boravak može biti ispod općeg minimuma iz prethodnog stava.

**Član 16.**

Centar za dnevni boravak mora imati sljedeće prostorije:

- spavaonicu za dnevni odmor sa najviše deset pokretnih ležajeva,
- prostoriju za odlaganje odjeće, obuće i drugih stvari

- korisnika sa mogućnošću zaključavanja,
- trpezariju i prostoriju za dnevni boravak čija površina mora iznositi najmanje 1 m<sup>2</sup> po korisniku,
- jedan WC na svakih deset korisnika,
- prostoriju za održavanje lične higijene na svakih deset korisnika u kojoj treba postaviti jedan umivaonik sa tekućom toplom i hladnom vodom, te jedan tuš,
- prostor za rekreaciju i kulturno-zabavni život.

**Član 17.**

Centar za dnevni boravak mora imati angažovanog: socijalnog radnika, medicinsku sestru i njegovateljicu, te druge neophodne profile zaposlenika.

c) Centar za pružanje njege i pomoći u kući

**Član 18.**

Centar za pružanje njege i pomoći u kući mora imati na dest korisnika jednu njegovateljicu i jednog zaposlenika za obavljanje kućnih i drugih neophodnih poslova.

**III - ZAVRŠNE ODREDBE****Član 19.**

Ovaj pravilnik stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 09-02-10635/08

**MINISTAR**

Datum, 27.03.2008. godine

Zenica

Josip Martić, s.r.

**MINISTARSTVO ZA OBRAZOVANJE,  
NAUKU, KULTURU I SPORT**

**128.**

U skladu sa članom 14. stav 1. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 15/04., 06/07. i 02/08.), i članom 177. stav 4. Zakona o osnovama sigurnosti saobraćaja na putevima u Bosni i Hercegovini („Službeni glasnik BiH“, br. 06/06., 75/06. i 44/07.), ministrica Ministarstva za obrazovanje, nauku, kulturu i sport Zeničko-dobojskog kantona, donosi:

**P R A V I L N I K**

**o radu komisije za kontrolu uvjeta i načina rada autoškola**

**OPĆE ODREDBE****Član 1.**

Pravilnikom o radu komisije za kontrolu uvjeta i načina rada autoškola (u daljem tekstu: Pravilnik) uređuje

